

YHESSÄ RUOTTIN PUOLESTA

Mie uskon yhteistyöhön. Kokemukset pandemiasta ja Ukrainan soasta on ette Ruotti seisoo vahvana kun met kohtaama kriisiä yhdessä, yhtenä maana. Pandemian aikana ihmiset totuut ette varjella muitten terhveyttä. Tänä vuona ennätysmäärä ruottalaisia on hakeutunheet kotiturvajoukkoon ja on valmhiina puolustamaan meän maata. Ja nyt met paranama koko Ruottin puolustusta.

Mie haluan vahvistaa Ruottia. Samala yksmielisyyelä kun pandemian aikana met piämä käsitellä niitä yhteiskuntapurpleemia, jotka heikentävät meän maata. Krouvvi rikolisuus ja segregasjuuni loukkaa koko meän yhteiskunnan yhteisyyttä. Meän riippuvaisuus fusiili polttoainheista on uhkana klimaatile ja meän turvalisuu-ele. Ja verorahat jotka pitäisit mennä Ruottin kouluhin ja vanheemanhoitoon riskikapitalistit plokkaavat pois voittona.

Näin se ei tartte olla. Met haluama muuttaa sen.

Met haluama:

- Kääntää joka kiven ja taittaa rikolisuen.
- Lua uusia töitä Ruottissa ajamalla klimaattimuutosta.
- Ottaa takashiin demokraattisen kontrollin hyvinvoinista.


Mie tulen tekheen mitä tartethaan ette vahvistaa meän maata.

Koska **meän Ruotti saattaa paremin.**

Magdalena Andersson



Lättläst svenska, Soomaali, عربي, English, Español, Suomen kieli, Meänkieli, دری, Davvisámegiella, Deutsch, Srpski, Hrvatski, Bosanski, فارسی



Tule jäseneksi nyt!
Aukase Swish-apin ja skannaa QR-ko



Socialdemokraterna



Socialdemokraterna

**MEÄN RUOTTI
OSSAA PAREMIN**

TAISTELLA RIKOLISUUTTA JA TAITAA SEGREGASJUUNIN

Yhteiskunnan taistelu rikolisuutta vastaan pitää olla armoton. Kaikki asuntoalueet pitävät olla turvalisia ja elämäntilane heijoissa alueissa pitää parantua. Kaikin jotka saattavat olla töissä pitävät tehdä työtä.

Met haluama:

Tiukentaa lissää rangastuksia ja rakentaa oikeuslaitosta. Puliisi, rikolisuushoitto, syyttäjät ja tuomioistuimet pitävät saada sen henkilökunnan ja net neuvot mitä he tarvitsevat ette taistella rikolisuutta.

Topata uusrekrytoinin jänghiin. Yhteiskunta pitää kätevästi ja tehokkaasti reageerata kun nuoret on vaarassa langeta rikolisuuteen. Kaikki nuoret pitävät saattaa käyä hyvissä kouluissa ja nähdä omat vanhemmat mennä töihin. Ruotti vahvistuu kun kaikin on mukana vaikuttamassa yhteiskunnan yhteisyyteen.

Taittaa segregasjuunin. Kaikin pitävät kohata samoja selviä vaatimuksia ja mahdollisuuksia ette saattaa ellää omasta työstä. Riippumatta missä nuoret kasvavat ylös, mahdollisuudet hyvähen koulutukseen, merkittävhään vapa-aikhaan, ensi työhön ja asunthoon pitävät lissäintyä.



OTA TAKASHIIN DEMOKRAATTISEN KONTROLLIN HYVINVOINIS

Se pitää olla järjestys ja oorninki koulussa, siukkahoijossa ja vanheemanhuolossa. Kolekoila pitää olla hyvät työolot ja Ruottin kansa pitää saattaa ohjata sitä hyvinvointia mitä het on mukana maksamassa omila verorahoila.

Met haluama:

Topata hyvinvoinin varastamista. Ruottin kansan verorahat pitää käyttää hyvinvointiin, ei plokata ulos voittona. Hyvinvointia pitää ohjata ihmisten tarpeet, ei markkinan. Ruottin koulun pääpiste on lasten tiot, ei omistajitten voittoja.

Parantaa oloja hyvinvoinin kolekoile. . Kaikila, jotka on töissä koulussa, hoijossa ja huolossa pitää olla hyvät työolot, hyvät palkat ja pansuuni millä mennee ellää.

Nostaa hyvinvoinin laatua. Koulu, hoito ja huolto pitää saada enemmän työntekijöitä, ette lapset oppivat enemmän, hoitojonot lyhentyvät ja vanheemitten turva kasvaa.

HOPUTTAA KLIMAATTIMUUTOSTA JA SAA LISSÄÄ TÖITÄ

Ruottin kansa ei piä olla riippuvainen gangsterivaltioista ette aijaa biiliä eli lämmittää taloa. Kun met muutama meän indystrii ja meän enersjiituoantanto kasvaa met lissäämä Ruottin turvaa, luoma uusia töitä koko maassa ja laskema klimaattipäästöjä.

Met haluama:

Satsata vihreäsheen tekniikhaan ja taittaa meän öljyriippuvuuen. Klimaattisatsaukset lissäävät meän maan vaphautta, luovat töitä koko maassa ja vähentävät klimaattipäästöjä.

Tueta Ruottin indystriitä. Ruottin indystrii pitää olla jatkossaki paras koko mailmassa muuthoon, lua uusia kampheita ja palveluita ja siis uusia töitä.

Varmistaa hyvät olot. Tulevaisuuen vihreilä töilä pitää olla hyvät vilkoorit, ruot-talaiset palkat ja kolektiivisopimukset. Muuton mahdollisuudet pitävät olla hyvät, ja kaikila pitää olla ekonoominen turva sairhauvessa eli työttömyyessä. Joka on ollu töissä koko elämän pitää saattaa ellää omala pansuunila. Se on respektin kysymys.